


পোয়া-মাইয়া অলর লাই বাইবেল

যা প্রকাশ গইজে



খালরতুন  
রাজপুত্র



যে লেইকে: Edward Hughes

যে ছবি আইকে: M. Maillot; Lazarus  
Alastair Paterson

যে সম্পাদন গইজে: M. Maillot; Sarah S.

যে অনুবাদ গইজে: Arpan Dey

যে পরিচালনা গইজে: Bible for Children  
[www.M1914.org](http://www.M1914.org)

©2024 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,  
রেকর্ড গরিবার আর হবছ লেখিবার অনুমতি দন গেইয়ে।



পধান মন্ত্ৰি য়োষেফ মারাগিয়ে! মিসরিয়েলেঅ  
তার পরিবারর সংগে শোগপালন গইজে।  
ঈশ্বরে ইব্রিয় য়োষেফরে দিয়েরে  
এইদেশরে দুভিক্ষ্তু বাচাইয়ে।


ও খুব জ্ঞানী আর ভালবাসার  
মানুস আছিল। এখন  
ও আর নাই।




দির্গ তিনশ বছর পরে। যোষেফর মানুষ, ইব্রিয়অল, মিসরদেশত ক্ষমতাসালী  
অই উডেরা। নোয়া ফরৌনে ডরাইয়ে যদি ইব্রিয়অলে তার বিরুদ্ধে উডে,  
ইত্তালাই ইতারারে দাস বানাইয়ে।



ফরৌনে ইব্রিয়অলর সংগে খারাপ ব্যবহার গরের। ফরৌনে ইতারারে জোরগরি  
একখান দালানকোটা বানাইত দিয়ে। ইব্রিয়অলরে দিয়েরে যতই কঠিন  
কামগরক ইব্রিয়অল জনসংখ্যা দিনদিন বারি যারগই।



একদিন, ফরৌনে এক কঠিন আদেশ দিয়ে। “সদ্য জন্মলইয়ে এই বয়সর ইব্রিয় পোয়াইন নীলনদীত ফেলাই দেয়াপরিব” এই খারাপ ফরৌনে ইব্রিয় অলর জনসংখ্যা কমানর সিদ্ধান্ত লইয়ে। এনকি ছোড শিশু পয্যন্ত খুন গরের!



“আরা কি গইজ্জম?” এক পরিবার অবশ্যই চিন্তা গরেরা তারা সিদ্ধান্ত লইয়ে তারার শিশুরে নীলনদীত রাখিবা। কিন্তু ওরে পানি নডুকিব ইরম উঙ্গা বুরির ভিতরে রাখিবা।



ইবাত মইখে দামি জিনিস রাখে, ছোড এই  
ঝুরির নৌকাইয়ান জাংডুয়ার ভিতরে ভাহের।  
এইছোড পোয়াইবার কি অইব?






দুরন্তুন থাইয়েরে ওর দিদিয়ে পারাদের, এই সুন্দর ঝুরি ইঁবা আন্ত্বে আন্ত্বে  
জাংডুয়ার ভিতরে ভাহেরা।



হঠাত গরিয়েরে ফরৌনর মাইয়্যাপোয়া, তার  
দাসীঅলরে লইয়েরে হালত গোছল গইরত  
আইসসে। বুরি ইবা লুকাইবার কনজাগা নাই  
এডে। তারা ইবা নদেখিয়েরে যারগই।



“অউ! ঝুরি উঙ্গা, জাংডুয়ার  
ভিতরে। আই চিন্তাগরির ইবার  
ভিতরে কি আছে।” ফরৌনর  
ম্যাইয়া তার দাসীরে ঝুরির  
ভিতরে কি আছে খুলি চাইত  
কইয়ে। যহন ইবা খুইল্লে –  
বাচ্ছা ইবা কাদাশুরু গইজ্জে।  
“ইবা কন ইব্রিয়র পোয়া।”  
রাজকুমারীয়ে ধারণা গরের।



“ছোড গরিবর জিনিস। তুই বউত আদরজ্যা।” অয়ত ফরৌনর মাইয়্যা  
বাচ্ছা ইবার সংগে যারা বাচ্ছা বর গরে ইতারার মতগরি কথাকর। ও  
অয়ত কর “অটসি-কটসি কু-উমস” মিসরিয় ভাষায় অবশ্য।



ঈশ্বরে অবশ্যই বাচ্ছার দিদির মাথাত সুন্দর বুদ্ধিদিয়ে। ও ফরৌনর ম্যাইয়ার কাছে দুরি গিয়ে। “আইকি একজন ইব্রিয় মহিলা ডাকি আনি যে তোয়ার লাই এই বাচ্ছারে পালিব?” কইয়ে “যা লইআয়” কি মন গরন ম্যাইয়া কারে আইনত দুরদিয়ে?



“মা! সরে আইয়া! অ তারাতারি গর!” ম্যাইয়ার খুলিকইবার সময়নাই। একু সংগে দুইজনে পারে পারে দুরা ধইজেজ্য।



হালর পৱত আইসসে, ফরৌনর ম্যাইয়া বাচ্ছারে কোলত লইয়ে। “আরলাই  
ইতারে বরগর, আই তোয়ারে টেয়াদিয়ম, তারে মুশি নামে ডাকিবা।” মুশি  
মিসরিয়অলর লাই পানির-পোয়া।



মুশি তার বাবা, মা আর ঘরত ফিরিগিয়ে। তারে ঈশ্বর  
এবং ইব্রিয় মানুষেরে ভালবাইসত শিখাইয়ে। কিছু সময়  
পরে ও ফরৌনর ম্যাইয়ার সংগে রাজার ঘরত থাকিবা।

ঈশ্বর, যে তার জীবন  
বাচাইয়ে, তার  
এই ছোট মুশির  
ভবিষ্যতরলাইয়েরে  
বউত ডর  
পরিকল্পনা আছে।





খালরতুন রাজপুত্র

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

যাত্রাপুস্তক ২


“তোঁয়ার বাইক্যই আঁর জীবনর আলোর কেবার (দরজা)।”

গীতসংহিতা ১১৯:১৩০ পদ





9



60



এই বাইবেলৰ কাহিনী ইবা যে, আৱাৰে তৈয়াৰ গইৰগে এবং তিনি চান যেন আৱা তাঁৰে জানি আৱাৰ সেই চমৎকাৰ ঈশ্বৰৰ ব্যাপাৰে আৱাৰে কয় ।

ঈশ্বৰ জানে যে, আৱা খাৰাপ খাৰাপ কাম গইৰগি যিবাৰে ঈশ্বৰ পাপ কয় । পাপৰ শাস্তি মৰণ কিন্তু ঈশ্বৰ আৱাৰে বেশী ভালবাসে । তিনি তাঁৰ অগ্নো পোয়া যীশুৰে আৱাৰ পাপৰ লাই ক্ৰুশত মৰিবাৰলাই আৱ শাস্তি পাইবাৰ লাই পাঠাই দিইল । পৰদি যীশু মৰনৰতুন জেয়াতা হইয়েনে স্বৰ্গৰ মধ্যে যে, ঘৰ আছে এডে ফিৰি গেইয়ে । যদি অনে যীশুৰে বিশ্বাস গৰণ আৱ অনৰ পাপৰ লাই তাঁৰ কাছে মাফ চন তইলে তিনি মাফ গৰি দিব । তিনি এহন আইয়েৰে আৱাৰ মধ্যে থাকিব আৱ অনেও তাঁৰ মধ্যে আজীবন থাইবেন ।

যদি অনে বিশ্বাস গৰণ যে ইবা হাঁসা তইলে ঈশ্বৰৰ কাছে এই প্ৰাৰ্থনাওয়া গৰণ:  
প্ৰিয়া যীশু, আই বিশ্বাস গৰি দে, তুঁই ঈশ্বৰ আৱ আৱাৰ পাপৰ লাই মৰিবাৰ লাই মানুষ হইয়েনে জনুগ্ৰহণ গইৰজুইন । আৱ এহন তুঁই আবাৰ জীবিত আছন । দয়া গৰি আৱ জীবনত আইয়ো আৱ আৱ পাপ ক্ষমা গৰ যেন, আই এহনতুন নওয়া জীবন পাইত পাৰি আৱ এক দিন হাৰাজীবন তোয়াৰ অংগে থাইকতো যাইত পাৰি । আৱে সাহায্য গৰ যেন, তোয়াৰ আদেশ মানিত পাৰি । আৱ তোয়াৰ পোয়া হইয়েনে তোয়াৰ লাই জীবন কাটাইত পাৰি ।

বাইবেল পড়ন আৱ পোতুকদিন ঈশ্বৰৰ অংগে কথা কন (যোহন ৩:১৬) ।

